



Broj: 01-04-5-2114/25
Sarajevo, 19. 02.2025. godine

U skladu sa članom 70. Zakona o javnim nabavkama BiH ("Sl. glasnik BiH", br. 39/14, 59/22 i 50/24), Zapisnikom o pregledu i ocjeni ponuda, broj: 08-11-15-1707/25 od 07.02.2025. godine i Preporukom Komisije za javne nabavke, broj: 08-11-15-1707-2/25 od 07.02.2025. godine, a na osnovu člana 18. stav 1. Pravilnika o javnim nabavkama Fonda za profesionalnu rehabilitaciju i zapošljavanje osoba sa invaliditetom, broj: 01-02-2-10558/24 od 11.09.2024. godine, Upravni odbor Fonda za profesionalnu rehabilitaciju i zapošljavanje osoba sa invaliditetom na 60. sjednici održanoj dana 19.02.2025. godine d o n o s i

O D L U K U
o poništenju postupka javne nabavke
LOT 4 – oglašavanje u dnevnim novinama čije je sjedište u Mostaru

I.

Ovom Odlukom poništava se postupak javne nabavke LOT 4 – oglašavanje u dnevnim novinama čije je sjedište u Mostaru (JRJN: 79341000-6), objavljen u Službenom glasniku BiH, broj 3/25 dana 17.01.2025. godine za potrebe Fonda za profesionalnu rehabilitaciju i zapošljavanje osoba sa invaliditetom.

II.

Postupak poništenja je u skladu sa članom 69. stav 2. tačka d) Zakona o javnim nabavkama.

III.

Ova odluka stupa na snagu danom donošenja i objaviti će se na internet stranici Fonda u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O B R A Z L O Ž E N J E

Na osnovu Odluke o pokretanju postupka od strane Upravnog odbora broj: 01-04-05-14908/24 od 23.12.2024. godine odobreno je provođenje nabavke usluga oglašavanja u dnevnim novinama. Procijenjena vrijednost nabavke iznosi 100.000,00 KM (bez PDV-a). Procijenjena vrijednost javne nabavke za LOT 4 (bez PDV-a) iznosi 25.000,00 KM (slovima: dvadesetpethiljada KM i 00/100). Za provođenje javne nabavke osigurana su sredstva Fonda za profesionalnu rehabilitaciju i zapošljavanje osoba sa invaliditetom, a u skladu sa usvojenim Finansijskim planom za 2025. godinu, broj: 05-02-4-14882/24 od 23.12.2024. godine, Planom javnih nabavki za 2025. godinu broj: 01-11-15-14885/24 od 23.12.2024. godine, Izmjene i dopune plana javnih nabavki, broj: 08-11-15-1359/25 od 30.01.2025. godine.

Tenderska dokumentacija za dostavu ponuda, broj: 08-11-15-170/25 od 07.01.2025. godine je objavljena na portalu javnih nabavki dana 09.01.2025. godine pod brojem 175-1-2-3-3-3/25.

Krajnji rok za prijem ponuda bio je 31.01.2025. godine do 09:00 sati.

Pristigle su dvije blagovremene ponude od ponuđača „Večernji list BH“ d.o.o. Mostar i „Direct media“ d.o.o Sarajevo.

Dana 31.01.2025. godine u službenim prostorijama Fonda izvršeno je javno otvaranje blagovremeno pristiglih ponuda.

Komisija je nakon otvaranja ponuda, uvidom u dokumentaciju konstatovala i sačinila Zapisnik o pregledu i ocjeni ponude broj: 08-11-15-1707/25 od dana 07.02.2025. godine sa navedenom preporukom Upravnom odboru o donošenju Odluke o poništenju postupka, obzirom da je ponuda ponuđača „Večernji list BH“ d.o.o. Mostar odbačena, a da je ponuda ponuđača „Direct media“ d.o.o Sarajevo nepravilna.

Analizom dostavljene dokumentacije, Komisija je utvrdila da ponuđač Direct media d.o.o nije dnevna novina, zatim sjedište ponuđača nije u Mostaru, kako je zahtijevano tenderskom dokumentacijom za LOT 4, a u Aneksu 8 Izjave ponuđač potvrđuje dnevni tiraž i dostupnost na području BiH koristeći vlastite ljudske resurse za izvršenje predmetne nabavke.

U Aneksu 9 Izjave ponuđač potvrđuje da dnevni tiraž novina nije manji od 7.000 primjeraka, te dostavlja i Izjavu od strane DL Trgovine d.o.o. Mostar kojom isto potvrđuje. Ponuđač Direct media d.o.o nije dostavio ni jedan dokument kojim bi dokazao da ima zakupljeni prostor za oglašavanje u DL Trgovini d.o.o, kao ni Ugovor o podugovaraču, a prethodno je u sklopu ponude utvrđeno da isti nema namjeru podugovaranja. Ponuđač, također nije dostavio niti jedan dokument na osnovu kojeg bi Komisija mogla utvrditi da se radi o grupi ponuđača u predmetnom postupku.

Ponuda ponuđača Večernji list BH d.o.o je prihvatljiva, ali je navedena ponuda odbačena, uzimajući u obzir uslov koji je propisan tenderskom dokumentacijom, a to je da za najpovoljnijeg ponuđača za LOT 4 ne može biti izabran ponuđač koji je prethodno izabran kao najpovoljniji ponuđač za LOT 3.

Pouka o pravnom lijeku:

Protiv ove Odluke svaki od ponuđača koji je učestvovao u postupku nabavke može izjaviti žalbu Ugovornom organu u pisanoj formi u roku od 10 (deset) dana od dana prijema ove Odluke.



PREDSJEDNIK UPRAVNOG ODBORA

Dostaviti:

- Upravni odbor
- Ponuđaču 2x
- Služba za javne nabavke i informacione tehnologije.
- Sektor finansijskih i računovodstvenih poslova
- a/a

Dr. Senad Pešto

